

“Boux Ganbu Mehmbwk Ban 80 Baekging” Daeuj Ndaw Rungh Mbanjcuengh

壮乡深山来了“北京 80 后女干部”

——Geiq Guekgya Minzveij Baijyouq Guengjsae Dwzbauj Yen Suhgi Daih’it Sij Yui

□ Liengz Cingz/梁 晴 Veiz Yiveij/韦亦玮

Boux ganbu mehmbwk ban 80 Baekging, ndaej baij daengz Guengjsae mbanjungzhoj dang suhgi daih’it song bi. De gvenq ndaej dienheiq namhraemx baihnanz lwi? De boux ganbu bouxcoz ndeu ndaej hawj ndaw mbanj daiq daeuj bienqvaq lwi? Seizgan gvaqbae bi lai le, de ginggvaq muzlienx baenzneix: Daj gihgvanh ganbu bienqbaenz boux ganbu ndaw mbanj byaij haeuj ndaw naz gyauej reih bae, daj boux gangj vah sing Baekging bienqbaenz boux “saumbanj” yungh Vahcuengh caeuq vunzmbanj doxdongx he, daj “ganbu dohgim” bienqbaenz boux gvansim vunzmbanj. Engq youqgaenj dwg, de hawj yiengh ndaw mbanj, giekdaej sezsih hwnjguh ndaw mbanj fatseng bienqvaq hungloet, lij vih gyoengq vunzmbanj banh le haujlai saedsaeh saehndei dem……de heuhguh Sij Yui.

Gumj Ndag Yungzhaeuj Ndaw Vunzlai Bae

Youq baihnaj gicej, gij ndang-daenj Sij Yui yawj dwk sawseuq mbouj saiaix, naengnoh deng nditndat cik ndaej ndaemndwt, de cingq caeuq vunzmbanj gangjgoj. Boux ganbu bi lai doekgonq youq guekgya gihgvanh hwnjban neix, seizneix yawj hwnjdaej caeuq mehmbwk Mbanjcuengh ityiengh. Bi 2015 ndwen 8, Guekgya Minzveij senjbaij Sij Yui daengz Guengjsae Dwzbauj Yen Duh’anh Yang Mbanjlingzleiz dang youq mbanj suhgi daih’it. Neix doiq de daj iq daengz hung youq hawsingz majhung, daihhag bizyez couh gauj haeuj Guekgya Minzveij guhhong daeuj gangj, saedceij vanzging, youq mbanj guh-hong daengj doiq de couh dwg cungj gaujniemh he. Dienheiq baihnanz nditndat heiqraemx lai nanz gvenq ndaej, gyanghaemh non nyungz haeb nanz ninz ndaek. Saedceij gvaq ndaej hoj mbouj naeuz, gak cungj hojnanz hong gihcwngz engq hawj de siengi mbouj daengz. Dieggvae byasang roenloh lingq, henz dieg dujfwj miz vunz youq. Neix dwg sij gij mbanjbya baihnanz gyaundeih haenx. Hoeng, baez daih’it roengz mbanj daengz song aen mbanj caengz doeng goengloh, dauqma ga byaij 10 goengleix roenbya, bin bya gvaq lingq, sinhoj hwnjroengz, gyanghaemh song ga Sij Yui in dwk ninz mbouj ndaej. Sij Yui lwnh gicej, “roengz mbanj sinhoj couh suenq lo, engq hawj vunz doeknaiq dwg hong guh mbouj ndaej. Vunzmbanj dangdieg haujlai cungj dwg gangj Vahcuengh, haujlai vunz dingq mbouj rox Vahbujdung. Gou gangj maz vunzmbanj dingq mbouj rox, vunzmbanj gangj maz gou caemh dingq mbouj rox, roxnynh swheij

couh lumj ‘bouxnuk、bouxngoemx’ nei.” Lij miz mbanj boux vunzmbanj doiq gij hong caeuq cozyung youq mbanj suhgi daih’it mbouj roxyiuj, laihaeuz ganbu Baekging daeuj gvaq ciengz “dohgim” ndwi. Fanh saeh haidaeuz hoj. Mienhdoi nanzdaez, de sien laebdingh dieg dwkbyoengq: Gumj ndang, aeu swheij yungzhaeuj ndaw vunzlai bae. Sij Yui leihyungh ndwen lai seizgan, byaij liux daengx cunh 12 aen mbanj, 22 aen vunzmbanj siujcuj. Bae ranz dangjyenz geq, ranzvujbauj, ranzdihbauj nem ranzgungzhoj, dieg ciengx mou, ciengx gaeq ndaw mbanj, reih ndaem samcaet, makhojlungzgoj vunzmbanj, gij cingzgvang gak mbanj doeng dienx, doeng raemx, doeng roen……de cungj bae yawj gvaq. Vih liux engq ndei yungzhaeuj ndaw vunzlai bae, de cawjdoengh hagsib Vahcuengh. “Gwn caengz?” Sij Yui caeuq vunzmbanj baenzneix doxdongx. Raen boux ganbu mehmbwk Baekging cawjdoengh gangj “vahdoj”, vunzmbanj cugyamq nyienx caeuq de guh baengzyoux. Seizneix de gaenq dingq rox mbanj Vahcuengh, lij yungh Vahcuengh caeuq vunzmbanj doxdongx ndaej.

Saeh Hung Saeh Iq Vunz-mbanj Geiq Haeuj Sim

Guekgya Minzveij senjbaij Sij Yui daengz Guengjsae Dwzbauj Yen Duh’anh Yang Mbanjlingzleiz dang youq mbanj suhgi daih’it. Neix doiq de daj iq daengz hung youq hawsingz majhung, daihhag bizyez couh gauj haeuj Guekgya Minzveij guhhong daeuj gangj, saedceij vanzging, youq mbanj guh-hong daengj doiq de couh dwg cungj gaujniemh he. Dienheiq baihnanz nditndat heiqraemx lai nanz gvenq ndaej, gyanghaemh non nyungz haeb nanz ninz ndaek. Saedceij gvaq ndaej hoj mbouj naeuz, gak cungj hojnanz hong gihcwngz engq hawj de siengi mbouj daengz. Dieggvae byasang roenloh lingq, henz dieg dujfwj miz vunz youq. Neix dwg sij gij mbanjbya baihnanz gyaundeih haenx. Hoeng, baez daih’it roengz mbanj daengz song aen mbanj caengz doeng goengloh, dauqma ga byaij 10 goengleix roenbya, bin bya gvaq lingq, sinhoj hwnjroengz, gyanghaemh song ga Sij Yui in dwk ninz mbouj ndaej. Sij Yui lwnh gicej, “roengz mbanj sinhoj couh suenq lo, engq hawj vunz doeknaiq dwg hong guh mbouj ndaej. Vunzmbanj dangdieg haujlai cungj dwg gangj Vahcuengh, haujlai vunz dingq mbouj rox Vahbujdung. Gou gangj maz vunzmbanj dingq mbouj rox, vunzmbanj gangj maz gou caemh dingq mbouj rox, roxnynh swheij

1 goengleix, bu roen suijniz ndaw mbanj 3000 mij, guh mieng baiz raemxuq 650 mij daengj sezsih hwnjguh, caemhcai guhsat ndaem gonengznuengx 150 moux, loegvaq ndaw mbanj ndaem dinfaex 300 go, gajguh ranzvaih 12 aen daengj. Mbanjlingzleiz giekdaej sezsih gig doeklaeng aeu yungh bued roengz engq lai ngaenzcienz, Sij Yui caeuq Cangh Gyahnanz lingh boux ganbu Guekgya Minzveij gvaciz haenx gaenxmaenx yiengq Guekgya Minzveij bauq hwnj bangfuz aeu yungh, ceng-aeu ndaej 100 fanh maenz ngaenz bangfuz, cienhangh yungh guh bangrex Mbanjlingzleiz giekdaej sezsih hwnjguh caeuq canjnieb hwnghat. Bi 2016 ndwen 9, ngaenz-cienz gaenq fat daengzvih. Gicej lij dingqnyij gij gojgaeq Sij Yui guhhong romh ok haemh dauq. Bi 2015 ndwen 10 haindu, hong suhgi daih’it cujyau dwg cingcinj bangfuz, haeuj ranz diucaz. Couh Sidungj duicangj doihguhong yangh youq mbanj naeuz, “aenvih ngoenznaengz guhhong gig lai, Sij Yui ciengzseiz gyaban daengz gyanghwnz cij byaij bae diegyouq, dou cungj yousim gij ancienz de.” Vah ngamq gangj sat, Sij Yui couh riuhehe naeuz: “Gyanghwnz byaij cij yawjraen gyoengq ndaundeih gwnz mbwn, lij miz ronghrib mbinnyag, caen dwg yied hwnz yied gyaundeih.” Gangj ndaej soengswtswt.

Gyoengq Lwgnyez Heuh De “Sij Daxmeh”

Gicej youq Mbanjlingzleiz caij-fangj seiz, raen gij cingzging baenzneix simcieg gvaq: Siujhij boux lwgnyez cuhcunghswng caengz ndaej 18 bi dingz bae hagdangz, de raen Sij Yui seiz raemxda couh doek. Yienzlaiz, bi 2016 ndwen 7 boh de aenvih baenzbingh gvaqsei, daxmeh diuq bae gyawz mbouj rox, saedceij de mbouj miz baenghgauq. Caijfangj gvaqlaeng mbouj geij nanz dingqnyij siusik ndei, Sij Yui gaenq bang Siujhij lienzhaeh le giyou, caemhcai gujli de laebdaeb hwnjhag hag rox dinfwngz, lij lienzhaeh bouxsimndei giensoengq 1200 maenz ngaenz hawj de, lienzhaeh Yang Mbanjlingzleiz aeu denz, buhvaq, riep daengj doxgaiq ngoenzyngh hawj de. Seizneix lwgnyez lajmbanj, haujlai dwg lwgnyez louz mbanj. Sij Yui dang suhgi daih’it, engq aenvih hix dwg boux daxmeh he, vihneix gig gvansim gij cingzgvang gyauyuz Mbanjlingzleiz. Daengz nyaemh doeklaeng, de gaenx-maenx lienzhaeh gyauyuz bumwnz, gajndeij gij diuzgienh sonhag caeuq hagsib vanzging ndaw mbanj, daz hau le gyausiz, vuenh le congzeij moq, coih ndei roensuijniz diemjsonhag ndaw mbanj. De lij gag ok cienz cawx

mbanj sawrogdangz soengq hawj gyoengq lwgnyez, gvaq ciet bae yawjngonz lwgnyez louz mbanj diemjsonhag. Sij Yui caenciet simndei ndaej daengz gyoengq lwgnyez haengigyaenz, gyoengq lwgnyez cungj heuh de “Sij daxmeh”. Youq Sij Yui bangcoh boiqhab ceng’aeu lajde, Mbanjlingzleiz 5 boux lwgnyez louz mbanj camgya le yalingyingz hozdung Cungguk Gvansim Daihlaeng Guh-hong Veijyenzveih, Guekgya Minzveij daengj danhvei lienzhab youq Baek-ging banh haenx, hawj gyoengq lwgnyez miz gihvei bae Baekging soujduh guekcoj. Sij Yui ndaej daengz gyoengq lwgnyez siujyoz ndaw mbanj heuhguh “Sij daxmeh”, lwg de couh doiq de “miz yigen” lo. Miz baez he de dwk dienhvah, lwg de gaenq 8 bi haenx naeuz: “Daxmeh, seizneix gou gaenq geiq mbouj ndaej mwngz lo, mwngz miz 4 ndwen mbouj dauq ranz lo, gou gaenq mbouj gvenq mbouj raen daxmeh lo.” Dingq daengz coenz neix, Sij Yui couh raemxda doek.

Youq Mbanj Guhhong Ndaej Haenhndei

Sij Yui dang suhgi daih’it bi lai, gij hong caeuq ginglig majhung de ndaej haujlai vunz haenhndei caeuq haengjidingh. Raen daengz gicej, cunhchisuh Nungz Dingyi mbouj gangj saek coenz, daiq gicej daengz ndaw mbanj yawjyawj, cijraen roenloh ndaw mbanj bu suijniz lo, gyauej mbanj ndaem faex ndaem va lo. Seizneix, de cij haibak naeuz: “Yawj ha, neix couhdwg Sij suhgi daiqlingx caezgya guh, seizneix daengx mbanj caezcingj bienq yiengh lo!” Dwzbauj Yen Minzcuzgiz gizcangj Banh Cinghgo naeuz, Guekgya Minzveij daj bi 1989 dinghdiemj bangfuz Dwzbauj Yen daeuj, gaenq baenz le gij doenghlig hung’ak Dwzbauj Yen hwnghat, vunzlai ndaej ik gig hung. Guekgya Minzveij 27 bi daeuj gonqlaeng bued roengz ngaenzcienz hwnghat siujsoq minzcuz daengz 4000 lai fanh maenz bangfuz Dwzbauj Yen. Youh bangcoh hwnjguh le mbanjguhyienh siuj-gangh minzcuz Yauzcangh Duh’anh Yang Mbanjdasoz Sihduz Cunh Cwngzgvanh Cin aenmbanj miz daeng-saek Bouxcuengh caeuq Mbanj-nazdunz Yinzdih Cunh lajmbanj moq Bouxcuengh daengj 3 aen diemj-guhyienh hong minzcuz. Doengzseiz, 27 bi daeuj, Guekgya Minzveij gonqlaeng baij 12 boux ganbu maenhndei daengz Dwzbauj Yen haiguh hong bangfuz, yungh raemxhanh sinhoj gyoengqde, vuenh daeuj Mbanjcuengh biengqvaq hungloet. Gij saeh gyoengqde yienznaeuz bingzbingz ciengzciengz, cix saedsaed caihcai.